

8. Úlfsstaðir	33 einingar.
9. Hofstaðir	101 —
10. Uppsálar	58 —
11. Kollslækur	34 —
12. Giljar	26 —
13. Auðsstaðir	49 —
14. Búrfell	49 —
15. Rauðsgil	103 —
16. Steindórsstaðir	50 —
17. Vilmundarstaðir	95 —
18. Hægindi	34 —
19. Kópareykir	55 —
20. Kjalvararstaðir	57 —
21. Snældubeinsstaðir	32 —
22. Kleppjárnareykir	13 —
23. Hamrar	63 —
24. Stóri-Kroppur	119 —
25. Bær (Bæjarfljót báðum megin)	80 —
26. Klettur (að Bæjarfljóti)	104 —

Alls 1500 einingar.

Arðskrá þessi staðfestist hér með samkvæmt lögum nr. 112 9. október 1941, um lax- og silungsveiði, til þess að öðlast gildi þegar í stað, og birtist til eftirbreytni öllum þeim, sem hlut eiga að máli. Jafnframt falla úr gildi eldri ákvæði um sama efni.

Atvinnumálaráðuneytið, 2. júlí 1949.

Bjarni Ásgeirsson.

Árni G. Eylands.

SAMÞYKKT

fyrir Veiðifélag Kjósarhrepps.

91

5. júlí

1. gr.

Félagið heitir Veiðifélag Kjósarhrepps. Heimili þess og varnarþing eru Reynivellir í Kjósarhreppi.

2. gr.

Verkefni félagsins er að auka fiskgengd á félagssvæðinu með þeim ráðum, sem henta á hverjum tíma, innan ramma laganna, að vinna að viðhaldi góðrar fiskgengdar á vatnasvæðinu og að leigja veiðisvæði til stangaveiða.

3. gr.

Félagið nær til veiðiréttar allra eftirtaldra jarða, sem land eiga að eða veiðirétt í Laxá, Bugðu og Meðalfellssvatni, ásamt lækjum, sem í það falla, en þær eru Neðri-Háls, Valdastaðir, Sogn, Reynivellir, Vindás, Hækingsdalur, Fremri-Háls, Ýrafell, Möðruvellir, Eyjar, Þorlaksstaðir, Hurðarbak, Káranes, Káraneskot, Laxárnes, Meðalfell, Flekkudalur, Grjóteyri og Sandur.

91

5. júlí

4. gr.

Óheimilt skal hverjum manni að veiða á félagssvæðinu, nema hann hafi samþykki félagsstjórnarinnar eða aðila, sem stjórnin hefur með samningi veitt ráðstöfunarrétt yfir veiðinni, sbr. næstu gr. Öll veiðileyfi skulu skrifleg vera og tilgreina veiðitíma, veiðisvæði og veiðitæki.

5. gr.

Heimilt er félagsstjórninni að leigja veiði á félagssvæðinu einstökum mönnum eða félögum. Þó má slíkt leyfi ekki vera nema til eins árs í senn, nema lögmætur fundur samþykki og tekið hafi verið fram í fundarboði, að slíkt veiðileyfi verði til umræðu.

Nú gerir félagsstjórnin samning við fleiri aðila en einn um veiðirétt á sama veiðisvæði á sama tíma, og skulu slíkir samningar bundnir því skilyrði, að aðilarnir skuli hlíta úrskurði stjórnarinnar um skiptingu veiðidaga á milli þeirra, ef þeir koma sér ekki saman um hagnýtingu veiðinnar.

6. gr.

Stjórn félagsins skipa fimm menn, sem eru kosnir skriflega á aðalfundi til þriggja ára í senn, formaður sérstaklega, en fjórir meðstjórnendur sameiginlega. Gangi þeir úr stjórninni á víxl þannig, að formaður gengur úr eftir eitt ár, tveir meðstjórnendur eftir tvö ár og tveir eftir þrjú ár, og helzt svo sama röð áfram. Enginn atkvæðisbær félagsmaður getur skorast undan endurkosningu, nema sérstök forföll hamli, eða hann hafi verið í þrjú ár í stjórn. Kjósa skal tvo varamenn og tvo endurskoðendur til tveggja ára í senn, þannig, að annar varamaðurinn og annar endurskoðandinn gangi út annað árið, en hinir hitt árið.

7. gr.

Stjórn félagsins hefur á hendi allar framkvæmdir félagsins milli aðalfunda. Hún fær menn sér til aðstoðar við þau störf í þágu félagsins, sem vinna þarf á hverjum tíma, og semur við þá um þóknun fyrir.

Formaður er fulltrúi félagsins út á við og kveður stjórnina til fundar, þegar honum þurfa þykir, eða ef minnst tveir meðstjórnendur krefjast þess. Að öðru leyti skiptir stjórnin með sér verkum.

Á stjórnarfundi ræður afl atkvæða úrslitum mála.

8. gr.

Aðalfund heldur félagið í marzmánuði ár hvert. Aðalfundur skal boðaður skriflega með minnst viku fyrirvara og sé fundarefnis getið í fundarboðinu.

Á aðalfundi ræður einfaldur meiri hluti atkvæða úrslitum, nema um sé að ræða breytingar á samþykktum félagsins eða arðskrá.

9. gr.

Aukafund heldur stjórnin þegar henni þykir ástæða til eða ef $\frac{1}{4}$ félagsmanna æskir þess, og tilgreinir fundarefnið.

10. gr.

Reikningsár félagsins er almanaksárið. Stjórninni ber að færa reikninga í gerðabók, sem henni er skylt að halda, svo og samþykktir félagsins, aðskrá, fundargerðir og bréf.

11. gr.

Arði af sameiginlegri veiði skal skipt niður á félagsmenn samkvæmt arðskrá, sem lögmætur fundur hefur samþykkt og undirrituð er af að minnsta kosti $\frac{2}{3}$ fé-

lagsmanna. Gildir hún til fimm ára. Félagsmenn greiði gjöld til félagsins í sömu hlutföllum og þeir taka arð. **91**

5. júlí

12. gr.

Brot á samþykkt þessari varða sektum samkvæmt lögum nr. 112 9. okt. 1941, um lax- og silungsveiði. Fara skal með mál út af brotum sem almenn lögreglumál.

13. gr.

Samþykkt félagsins verður ekki breytt nema með samþykki $\frac{2}{3}$ félagsmanna.

14. gr.

Félaginu má slíta ef $\frac{2}{3}$ félagsmanna samþykkja það á tveim lögmætum félagsfundum í röð, sem boðaðir séu í því augnamiði og skal ekki liða skemmri tími milli funda en mánuður.

Samþykkt þessi, sem sett er samkvæmt lögum nr. 112 9. október 1941, um lax- og silungsveiði, staðfestist hér með til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Landbúnaðarráðuneytið, 5. júlí 1949.

Bjarni Ásgeirsson.

Árni G. Eylands.

SAMÞYKKT

fyrir Veiðifélagið Birtingur í Dalasýslu.

92

6. júlí

1. gr.

Félagið heitir Veiðifélagið Birtingur. Heimili þess og varnarþing er að Jörfa í Haukadalshreppi.

2. gr.

Félagið hefur umráð yfir öllum rétti til lax- og silungsveiði í Haukadalsá austan Haukadalsvatns og vatnasvæði hennar til fiskigengra staða.

Félagsmenn eru allir ábúendur þeirra jarða, er land eiga að nefndum vötnum: Stóra-Vatnshorn, Skriðukot, Leikskálar, Núpur, Smyrlahóll, Giljaland, Skarð, Kross, Villingadalur, Mjóaból, Hamrar, Jörfi, Saurstaðir og Litla-Vatnshorn.

3. gr.

Markmið félagsins er að efla nytjafiskistofn veiðisvæðisins, svo að hann geti orðið arðsæll. Félagið hyggst að vinna að því á eftirfarandi hátt:

- Leyfa aðeins stangaveiði.
- Klekja eða kaupa minnst 100 seiði fyrir veiddan fisk, þó ekki urriða.
- Sleppa seiðum í góða læki eða aðra góða staði og sem fjærst ruðningshættu.
- Klekja eða kaupa seiði af góðum bleikjustofni, sjóbirtingi eða laxi.

4. gr.

Stjórnina skipa 3 menn: formaður, gjaldkeri og ritari, og 3 menn til vara. Þeir skulu kosnir til 5 ára. Ganga þeir úr stjórninni á víxl þannig: Eftir 3 ár gengur einn úr á ári eftir hlutkesti.

Enginn atkvæðisbær félagsmaður getur skorazt undan kosningu, nema hann hafi setið 5 ár í stjórn.